

放光般若波羅蜜經卷第十八

重八

西晉三藏無羅義共竺叔蘭譯

嘆深品第五十五

尔時諸欲天子諸色天子以天名花而散佛上來詣佛所頭面作禮义手白佛言世尊是般若波羅蜜甚深難曉難了不可思議是智

者之所知是一切世間所可信者是諸如來無所著等正覺之道徑從是成阿耨多羅三耶三苦阿惟三佛者皆是般若波羅蜜之恩是為一教一教者五陰則薩云然薩云然則五陰薩云然如五陰如薩云然五陰一如無二佛如及薩云然如亦無有二佛告諸欲色

天子如是如是如諸天子所言五陰則薩云然薩云然則五陰佛則薩云然薩云然則佛一如無有二以是故諸天子如來坦然無為而不說法何以故是法甚深清淨難曉難了特可信故諸如來之道於過去當來今現在無有逮覺者於法無有二者是乃為法諸天

子如虛空之甚深微妙是法亦如是以如法之深妙故是法深妙法性不可思議性真際無涯底無來無往無著無斷不生不滅甚深微妙無有逮覺者以無有逮覺者甚深微妙故般若波羅蜜甚深微妙諸天子以諸法甚深微妙故衆生我人壽命亦復甚深微妙五

陰深妙六波羅蜜深妙內空外空及有無空三十七品佛十八法至薩云若甚深微妙以是甚深微妙故諸天子般若波羅蜜法甚深微妙諸欲色天子俱白佛言世尊是法於世間淨可信者如是說者亦不受五陰亦不受乃至十八法亦無所受亦不受如是說

者從須陀洹乃至薩云然亦不受持亦不受持諸世間者皆是受持云何受持五陰是我所我是五陰所十八法是我所我是十八法所從須陀洹至薩云然皆是我所我是薩云若所是為世間受持佛告諸天子如諸天子所言是法亦不受持五陰亦不受持薩云

然諸天子諸有受持行五陰者受持薩云然行者則不堪任行六波羅蜜亦不堪任行薩云然須菩提白佛言世尊是法不逆於諸法而有順何等法順是法順六波羅蜜是法順內外空及有無空順三十七品至薩云然是為順法是法於諸法無所礙云何無礙不礙

重 卷之八

二

於五陰至薩云然亦無所礙是法無礙之相譬如虛空何以故其住如法性如真際如不思議性如空無相無願是般若波羅蜜法亦不生亦不滅以五陰不生不有故乃至薩云若亦不生亦不有是法無有迹以五陰迹不可見故至薩云若迹亦不可見尔時諸欲天

子諸色天子俱白佛言世尊尊者須菩提諸弟子中佛之真子何以故所說但說空無縛之法時須菩提語諸欲色天子言如卿所說諸弟子中我為真弟子云何為真弟子諸天子報須菩提言佛從如生無去無來須菩提如亦不來亦不去以是故須菩提從佛生佛

之如者則為一切諸法之如如諸法如則佛之如如者亦復非如是故須菩提為從佛生如佛如住須菩提如亦如是住如佛之如無作無為亦無所有須菩提如亦復如是如佛之如無所罣礙諸法之如亦無所礙如佛之如諸法之如一如無二亦無作者無作之如

常爾無不爾從有如爾無不爾時常一無二是故知尊者須菩提從如來生如佛之如亦無所壞須菩提之如亦無所壞亦不壞如佛之如亦不可見不可破壞須菩提如亦復如是如佛之如亦是諸法之如亦無他如尊者須菩提亦復如是是以是故知須菩提真

重 卷之八

三

從佛生如佛之如不過去當來今現在諸法之如亦無去來今是故知須菩提為從佛生過去當來今現在如亦是佛如佛如者亦是過去當來今現在如等一無二五陰之如如來之如亦一無二吾我壽命衆生之如如佛之如亦一無二六波羅蜜如內外空如及有

無空如三十七品如乃至薩云然如如佛之
如一如無二何等為如須菩提如者菩薩所
可逮覺得如來名号者是說是如品時三千
大千刹土地為六反震動東涌西沒西涌東
沒南涌北沒北涌南沒四面都涌則中央沒
通中央涌四面都沒是為六反震動是時三
千大千刹土諸欲天子諸色天子以天花名
香栴檀用散佛上及散須菩提上同時嘆言
世尊甚奇甚特尊者須菩提乃從如來如生
真佛之子是時須菩提更為諸天子說言諸
天子須菩提者亦不從五陰生亦不從五陰
如生亦不離五陰如生亦不從薩云然如生
亦不離薩云然如生亦不從有為無為如生
亦不離有為無為如生何以故是諸法皆無
所有故亦無法可著樂者舍利弗白佛言世
尊如者及爾法住道法甚深甚深五陰尚不
可見況五陰如乃至薩云然尚不可見況薩
云然如佛言如是如是舍利弗如者甚深五

陰及薩云然尚不可見況薩云然如舍利弗
如者甚深說如及爾爾時二百比丘僧漏盡
意解五百比丘尼遠塵離垢法眼生五千菩
薩天及人得無所從生法忍六十菩薩漏盡
意解佛告舍利弗是六十菩薩已更供養五
百佛已盡行六波羅蜜不持漚起拘舍羅種
種學五波羅蜜離般若波羅蜜不以漚起拘
舍羅行施行戒行忍行精進行禪種種相行
不得一定菩薩之道便得須陀洹及羅漢辟
支佛道舍利弗菩薩雖得空無相無願之道
離般若波羅蜜不持漚起拘舍羅便證實際
得弟子乘舍利弗白佛言世尊云何得空無
相無願之法離漚起拘舍羅實際作證便得
弟子乘云何俱得空無相無願之法得漚起
拘舍羅便得阿耨多羅三耶三菩佛告舍利
弗言諸有離薩云然意念空無相無願之法
不與漚起拘舍羅俱者便為弟子乘舍利弗
菩薩得空無相無願之法應薩云然不離漚

卷六

四

愁拘舍羅者便得阿耨多羅三耶三菩舍利
弗譬如大鳥身長一百俞旬二百俞旬三百
俞旬無有兩翅欲從忉利天上來下至闍浮
提已下中道復欲還去至忉利天上舍利弗
是鳥寧得如意周旋往反不舍利弗言世尊
不得假令是鳥來下至地欲使身不痛寧得
不痛耶舍利弗言世尊不得不痛或悶或死
所以者何其身長大無有翅故舍利弗正使
是菩薩如恒邊沙劫相行五波羅蜜雖得大
道欲發大意欲速無量覺慧離般若波羅蜜
無漚愁拘舍羅者便墮羅漢辟支佛道何以
故離漚愁拘舍羅離薩云若離般若波羅蜜
行五波羅蜜便墮羅漢辟支佛道舍利弗菩
薩雖於過去當來今現在佛所作功德戒性
忍辱精進一心智慧皆作相著是為不曉如
來戒性三昧智慧見解脫慧亦不知亦不見
但遙聞空無相無願之法但相聞聲以相欲
為阿耨多羅三耶三菩作相念言是為菩薩

重 林第十八

五

所住處也是為佛所住處是為聲聞辟支佛
所住處舍利弗菩薩離般若波羅蜜漚愁拘
舍羅者持是功德欲為阿耨多羅三耶三菩
是為相舍利弗菩薩發意念薩云然不離六
波羅蜜不離漚愁拘舍羅不離過去當來今
現在諸佛戒性三昧智慧見解脫慧性不以
相著於空無相無願亦不以相舍利弗當知
是菩薩不墮羅漢辟支佛道何以故是菩薩
摩訶薩從發意以來不以相行六波羅蜜不
以相於過去來今佛戒性三昧智慧見解脫
慧性皆無相著舍利弗不以相行六波羅蜜
不以相行薩云然是則為菩薩漚愁拘舍羅
舍利弗白佛言世尊如我今從如來所聞菩
薩不離般若波羅蜜漚愁拘舍羅者以為至
阿耨多羅三耶三菩何以故以是菩薩從發
意以來初不見法有逮覺者亦不見甫當逮
覺者亦不見已逮覺者五陰至薩云然亦復
如是舍利弗言世尊若有行菩薩道者離般

若波羅蜜漚起拘舍羅當知是輩於阿耨多
羅三耶三善便有狐疑何以故用離般若波
羅蜜漚起拘舍羅故行六波羅蜜皆於中有
相以是相故當知有狐疑是故世尊菩薩欲
得阿耨多羅三耶三善者不當離般若波羅
蜜漚起拘舍羅住般若波羅蜜漚起拘舍羅
亦無相無猗行五波羅蜜者乃至薩云然亦
無相猗尔時諸欲天子諸色天子俱白佛言
世尊欲求阿耨多羅三耶三善者難得所以
者何為菩薩者盡當逮覺諸法而無所得佛
言如是如是諸天子甚難我亦成阿耨多羅
三耶三善亦無所成亦無所得亦不見法有
所成得所以者何諸天子諸法常淨故須善
提白佛言如我今從佛所聞求阿耨多羅三
耶三善者甚難得如我意者快哉得成阿耨
多羅三耶三善何以故諸法空無所逮覺故
於空法中諸法不可得亦無有法逮覺不逮
覺者所以者何隨如法不增不減學五波羅

重

卷第十八

六

蜜至薩云然是法皆空亦不可見亦不可得
以是故世尊快哉菩薩逮覺成阿耨多羅三
耶三善所以者何五陰五陰自空薩云然慧
事自空舍利弗語須善提言以是故阿耨多
羅三耶三善難解難得虛空亦不有念言我
當成阿耨多羅三耶三善菩薩亦不念我當
成阿耨多羅三耶三善何以故諸法如虛空
故菩薩解諸法如虛空乃成阿耨多羅三耶
三善若菩薩知諸法如虛空快哉難成成阿
耨多羅三耶三善恒邊沙等諸菩薩求阿耨
多羅三耶三善終不動還以是故須善提甚
快難成成阿耨多羅三耶三善須善提語舍
利弗言於意云何五陰於阿耨多羅三耶三
善為動還耶舍利弗言不乃至如於阿耨多
羅三耶三善為動還耶舍利弗言不於意云
何頗有異離五陰為還者無頗有離薩云然
還者不舍舍利弗言無須善提言舍利弗於意
云何五陰如為還不薩云然如為還不舍利

弗言無頗有離五陰如離薩云然如還者無
舍利弗言無於舍利弗意云何如法法性法
住道法實際不可思議性於阿耨多羅三耶
三菩有還者無舍利弗言無頗有離如乃至
不可思議性有還者無舍利弗言無是義是
法亦不可得何所法於阿耨多羅三耶三菩

重

七

有還者舍利弗語須菩提言如尊者須菩提
所說法忍無有菩薩於阿耨多羅三耶三菩
有動還者如來所記菩薩三乘之行皆無有
處如須菩提所說為一乘耳阿耨多羅三耶三菩
語舍利弗須菩提為欲說一菩薩乘耶當問
須菩提舍利弗問須菩提云何為欲說菩薩

一乘行耶須菩提報言卿欲於如中說三乘
耶羅漢乘辟支佛乘菩薩佛乘舍利弗言不
也須菩提言於舍利弗意云何於如中頗有
三乘不答言無有須菩提言頗於如中有一
事二事三事不舍利弗言無頗於如中見一
菩薩不答言無也是法名無為無所有法云

何欲於中求索三乘羅漢辟支佛三耶三佛
舍利弗菩薩摩訶薩於如出生諸法聞是不
恐不厭不還出生於阿耨多羅三耶三菩介
時佛嘆須菩提善哉善哉汝之所說皆是佛
事菩薩聞是諸法皆出於如不恐不懼不厭
不還當知是菩薩成阿耨多羅三耶三菩舍

利弗白佛言世尊菩薩摩訶薩當出何道佛
言是菩薩當出生阿耨多羅三耶三菩道須
菩提言世尊菩薩欲出成阿耨多羅三耶三
菩當云何住佛言常當等意於眾生大慈普
念無有偏黨當為眾生執勞護念安隱與語
和順無得中傷視眾生等如父如母如身如
子以慈勸人令不害生常勸眾生令行十善
見人行正離於邪見代其歡喜菩薩摩訶薩
欲得成阿耨多羅三耶三菩當作是住自行
四諦四禪四等行四空定勸人令行見人行
者代其歡喜自行六波羅蜜常勸教人行六
波羅蜜見有行者代其歡喜自行內外空及

有無空三十七品自行八惟無佛十種力大
 慈大悲自行逆順十二因緣勸人行逆順見
 有行者代其歡喜自行聲聞辟支佛慧勸人
 令行不證實際見有行者代其歡喜自上菩
 薩位教人令進自行神通淨佛國土教化眾
 生勸彼令學見有學者代其歡喜自滅習緒
 勸彼令滅自壽命成就自受法住勸彼住法
 見彼為者皆代歡喜須菩提菩薩摩訶薩欲
 成阿耨多羅三耶三菩者當作是學當作是
 住菩薩摩訶薩當作是學般若波羅蜜漚起
 拘舍羅作如是學如是住者於五陰無有罣
 礙乃至法住亦無罣礙所以者何是菩薩摩
 訶薩實際學不受五陰乃至薩云若亦無所
 受所以者何不受五陰則非五陰不受薩云
 然則非薩云然說是菩薩住品時二千菩薩
 得無所從生法忍
 放光般若波羅蜜經阿惟越致品第五十六
 於是須菩提白佛言世尊我等當以何貌相

像知是阿惟越致佛告須菩提言解知凡人
 地及弟子地辟支佛地乃至如來地盡是一
 如而不分別一無有二入自身如等一入不
 分別聞是如已直過無狐疑於如無所失所
 說無增減亦不視他人長短以是貌像當知
 是為阿惟越致菩薩世尊當復以何相像之
 貌知是阿惟越致菩薩佛言諸法亦無形亦
 無貌像亦無有相須菩提言世尊若諸法無
 形無像亦無相為從何法轉還而為阿惟越
 致菩薩佛言於五陰轉還知是阿惟越致菩
 薩須菩提菩薩於六波羅蜜轉還於內空外
 空及有無空三十七品佛十八法轉還於聲
 聞辟支佛地及阿耨多羅三耶三菩地轉還
 須菩提當知是為阿惟越致菩薩何以故須
 菩提五陰無有形道亦無有形是故菩薩於
 五陰轉還及於道何以故五陰及道無有處
 故復次須菩提菩薩摩訶薩亦不觀視外道
 及沙門婆羅門所為所知所見亦不觀視諸

外道家邪見直見亦不狐疑亦不批外道沙
門婆羅門戒亦不狡戲墮諸邪見不持香花
繒蓋幢幡奉諸天神亦不教他人令奉邪見
以是像貌觀其相行具足知是阿惟越致菩
薩須菩提阿惟越致不生下賤之家不生八
劇之處不受女人身以是像貌具足知是阿

惟越致菩薩須菩提阿惟越致常行十善而
不毀犯常於夢中守行十善教人令行見人
行者代其歡喜以是像貌具足知是為阿惟
越致菩薩須菩提阿惟越致為衆生故行六
波羅蜜自學十二部經常作願言持是十二
部經勸勉衆生滿衆生願持是功德皆施衆
生成阿耨多羅三耶三菩以是像貌具足知
是為阿惟越致菩薩須菩提阿惟越致於深
經中亦不狐疑平相須菩提白言云何阿惟
越致於深法中無有狐疑佛言是菩薩亦不
見有法亦不見五陰亦不見道有平相狐疑
者以是像貌具足知是為阿惟越致須菩提

阿惟越致菩薩身口意行常慈柔輕身口意
業常施衆生以是像貌具足知是為阿惟越
致菩薩須菩提阿惟越致菩薩不與五蓋事
俱初無戀慕於恩愛意以是相故知是為阿
惟越致菩薩須菩提阿惟越致坐起行步卧
覺安詳而不卒暴以是相具足知是阿惟越

致菩薩須菩提阿惟越致菩薩淨潔自喜無
有塵垢衣服牀卧亦復淨潔少於疾病凡人
身中有八萬種虫常侵食人阿惟越致無復
是虫何以故是菩薩功德過出世間諸天鬼
神阿須輪上為諸善本於功德中稍漸增益
身口意淨以是相行像貌具足是為阿惟越
重 卷九十七

致菩薩須菩提佛言云何菩薩受身口意
淨佛言隨諸善本身口意淨瑕穢即除功德
稍增瑕穢轉滅是為身口意淨以是三事淨
過於聲聞辟支佛上以是相行像貌具足是
為阿惟越致菩薩須菩提阿惟越致菩薩不
貪利養不貪衣服具足十二沙門法行無嫉

如意亦無愚癡貪利之意無不等意無解怠意無惡戒意以是相行像貌具足是為阿惟越致菩薩須菩提阿惟越致志常安隱意常深入一意聽受所聞法教與般若波羅蜜俱等意奉行所有俗事皆與般若波羅蜜俱有不入法性者皆見與般若波羅蜜合以是相行像貌具足知是阿惟越致菩薩須菩提阿惟越致菩薩若魔波旬化作大小泥犁一一泥犁中有無數億千菩薩皆在其中受諸苦痛波旬指示語菩薩言是諸苦人皆過去佛所授記莢皆是阿惟越致菩薩今皆墮是中受諸苦痛今卿若是阿惟越致受記莢者佛為授卿泥犁記莢不為授卿菩薩記莢卿不如捨菩薩道可得生天不復受是泥犁勤苦須菩提若是菩薩意不亂者終不墮泥犁中當知是為阿惟越致菩薩時魔波旬復作沙門被服至菩薩所言卿前可所受六波羅蜜欲求阿耨多羅三耶三菩意者諸可行法令

重

放光十

上

疾悔之疾悔過者可得解脫汝前所可供養諸佛及弟子眾從初發意至于法盡中間所作善本及勸助代歡喜之福求阿耨多羅三耶三菩汝疾捨是意早悔過若捨若悔者我便當語汝佛所說深經要法如來所教汝所門者皆非佛經非如來教是異道人所撰集耳若菩薩得是意亂狐疑者當知是菩薩非如來所授記莢是菩薩未正定住阿惟越致地若菩薩不疑不亂不轉意無所受不信他事不用他教行六波羅蜜便自具足疾遠薩云然慧道自歸之不受他教譬如漏盡羅漢面自見法不信餘教魔終不能耶阿羅漢辟支佛終不能轉阿惟越致菩薩佛告須菩提如汝所言羅漢辟支佛不能動轉阿惟越致菩薩不能轉者為不轉還是菩薩必至阿耨多羅三耶三菩正住阿惟越致地尚不信如來無所著等正覺何況當信羅漢辟支佛及魔波旬諸異學語所以者何初不見有法當

可信者亦不見五陰如有可信者亦不見道
如可信者須菩提當以是像貌觀其相行知
是爲阿惟越致菩薩須菩提魔復化作比丘
披服形像來至菩薩前語菩薩言善男子如
卿所行皆世俗事非薩云然行魔復語言我
當斷卿勤苦之本便爲菩薩說像道法教則

是世事像道教者或爾尸解或說四禪及四
空定言善男子是還正道從是可得須陀洹
道可至羅漢辟支佛道從我教者可斷生死
勤苦根本用是勤苦爲學之乎隨我教者可
生欲天得生色天須菩提菩薩聞是便大歡
喜不亂不轉亦不狐疑意復念言今是比丘

持是像法來爲我說益我不少所以者何像
法所說不於須陀洹取證至於羅漢辟支佛
道亦不取證至阿耨多羅三耶三善亦不取
證今受是比丘恩我所應覺知之事今爲我
說覺知是已當遍知三乘之事時魔波旬知
菩薩喜語菩薩言善男子欲得知供養如恒

重

三

邊沙佛衣被飲食牀卧醫藥菩薩者不復從
是過去恒邊沙佛受行五波羅蜜從彼諸佛
所聞所問菩薩摩訶薩當云何住當云何行
五波羅蜜三十七品大悲大慈如諸佛所教
當作是行當作是住如菩薩所應從是成阿
耨多羅三耶三善如其教住如諸行者速薩

云然諸過去菩薩作是輩行乃作爾所功德
尚不能得阿耨多羅三耶三善卿學以來甫
爾便當耶得阿耨多羅三耶三善若菩薩聞
是意無有異不恐不懼倍復歡喜言是輩比
丘重復益我令我得須陀洹至薩云然時魔
波旬知是菩薩意不動轉更復化作大比丘
衆示菩薩言是輩比丘諸漏已盡發求佛意
不能得佛今皆取羅漢如是輩人不能得成
況佛欲得阿耨多羅三耶三善菩薩覺知是
魔事者不墮羅漢辟支佛道當成阿耨多羅
三耶三善若有菩薩行檀波羅蜜至薩云然
不動還者成阿耨多羅三耶三善復次須菩

放光般若波羅蜜經卷第十九 重九

西晉三藏無羅叉共竺叔蘭譯

堅固品第五十七

佛告須菩提彼魔波旬至菩薩所言薩云若
 者與虛空等有無之事皆空是法及形亦復
 空於空無之法初無能得已過去者亦不能
 得空無之法甫當來者亦不能得有無之相
 皆空如空汝當勤苦成阿耨多羅三耶三菩
 者是皆魔事非三耶三佛所說諸賢者當覺
 魔事卿作是意者卿將無長夜墮惡趣中佛
 言是善男子善女人若聞是所言便當覺知
 是為魔事魔欲壞我阿耨多羅三耶三菩是
 一切諸法有無之事雖與空等一切眾生無
 能見者無能知者我當以有無之空為僧那
 僧涅達薩云若為眾生說法使得度脫當令
 眾生得須陀洹道得阿羅漢辟支佛道令得
 阿耨多羅三耶三菩薩摩訶薩從發意以
 來當堅其意不動不轉不信餘事意已堅固

提若有菩薩行般若波羅蜜作是念言如佛
 所說菩薩盡奉持不離諸佛教至薩云然終
 不耗滅須菩提菩薩行般若波羅蜜當作念
 言覺知魔事者終不耗滅於阿耨多羅三耶
 三菩須菩提以是相行像貌具足當知是阿
 惟越致菩薩須菩提言世尊菩薩於何所轉

而言不轉還佛言於五陰相還於十二表相
 還於十八性相還於婬怒癡相還於見相還
 於三十七品相還於聲聞辟支佛相還於佛
 相還何以故阿惟越致菩薩空像色貌法相
 上菩薩位於不生法亦無所有既無所有亦
 無所作亦不作亦不生是故名為無所從生

法忍菩薩得是忍者則是阿惟越致菩薩摩
 訶薩須菩提以是相行像貌具足知是阿惟
 越致菩薩摩訶薩

放光般若波羅蜜經卷第十八 重八

翅施智反 邪釋上市中反亦云 貌貌正 貌貌正 貌貌正
 瑕穢反過也 披服被上音